



Jostein H Hellestveit
Mongstadvegen 665
5955 Lindås

Saksbehandlar, innvalstelefon
Solveig Kalvø Roald, 5557 2327

Avslag på søknad om tilskot til trua naturtypar 2021 - skjøtsel av kystlynghei. Tyborgøy i Alver.

Jostein Hellestveit får avslag på søknad om tilskot til skjøtselstiltak i Alver kommune.

Vi viser til søknaden din om 40.000 kroner til skjøtsel av verdifull kystlynghei på Tyborgøy. Du søker om tilskot til lyngbrenning, og til rydding av kratt og einer.

Statsforvaltaren si vurdering og vedtak

Tilskot for beiting av areala er utbetalt som RMP-tilskot. Du har ikkje søkt om RMP-tilskot for brenning av kystlynghei, og du har heller ikkje oppgjeve i søknaden din til oss om at du har gjennomført brenning i 2020-2021, eller kor store areal du evt har brent. Vi vil derfor tilrå at du søker om RMP-tilskot òg for brenning, etter at areala er brende. Om du gjennomfører meir skjøtsel enn det du kan få RMP-tilskot for, kan du søkje om det du ikkje får RMP-tilskot for, frå tilskotsposten for trua naturtypar.

I søknaden din opplyser du om at du planlegg å rydde kratt og einer, men du seier ikkje noko om omfanget av dette arbeidet, eller kor dette skal gjennomførast. Budsjettet som Statsforvaltaren i Vestland i år har fått til tilskot til truga naturtypar er lite samanlikna med søknadene og behova i dei mange verdifulle, skjøtelskrevjande naturtypane. Vi har derfor prioritert å gje støtte til sjølve skjøtelsarbeidet i dei ulike naturtypane, medan det berre unntaksvis vert gjeve tilskot til rydding og andre tiltak og investeringar.

Sidan budsjettet vårt er avgrensa, og sidan vi heller ikkje kjenner til omfanget av planane dine, avslår vi søknaden din om midlar til skjøtsel av kystlynghei på Tyborgøy.

Rett til å klage på vedtaket

Vedtaket om tilskot kan klagast til Miljødirektoratet, jf. § 28 i forvaltningslova. Klagefristen er tre veker etter at dette brevet er motteke. Ein eventuell klage skal sendast via Statsforvaltaren i Vestland.



Med helsing

Johannes Anonby
seniorrådgjevar

Solveig Kalvø Roald
seniorrådgjevar

Dokumentet er elektronisk godkjent

Kopi til:
Alver kommune Postboks 4 5906 FREKHAUG